

আজ ইস্ট ইন্ডিয়া বডি বিল্ডিং চ্যাম্পিয়নশিপ

স্টাফ রিপোর্টার।। ৪৬তম রাজ্যভিত্তিক বডি বিল্ডিং প্রতিযোগিতা শনিবার শুরু হয়েছে। এদিন কামালঘাটস্থিত ইকফাই বিশ্ববিদ্যালয়ে বিকাল ৪.৩০মিনিটে উদ্বোধন হয়। এতে বিধায়ক ডাঃ দিলীপ দাস, পশ্চিম ত্রিপুরা জেলার সভাপতি অন্তরা সরকার দেব, সুরেশ কদম, সুভাষ দত্ত, ভবেশ চন্দ্র রায়, বাদল সাহা, প্রফেসর বিপ্লব হালদার প্রমুখেরা উপস্থিত ছিলেন। এদিন অনুষ্ঠানে একটি স্যাভেনিয়ার প্রকাশ করা হয়। এই আসরে ৯১ জন ছেলে এবং ৭জন মহিলা খেলোয়াড় অংশ নিয়েছে। রাজ্যের বাইরে থেকে এসেছেন বিচারকরা। উদ্বোধনের পর পরই শুরু হয়ে গেছে লড়াই।

এদিকে রবিবার একই ভেন্যুতে অনুষ্ঠিত হবে ১৭তম ইস্ট ইন্ডিয়া বডি বিল্ডিং প্রতিযোগিতা। এদিন উপস্থিত থাকার কথা রয়েছে টিসিএ সভাপতি ডাঃ মানিক সাহা, বিধায়ক ডাঃ দিলীপ দাস, ইন্ডিয়ান বডি বিল্ডিং ফেডারেশনের সচিব সুরেশ কদম, ইকফাই বিশ্ববিদ্যালয়ের রেজিস্টার ড. এ রঙ্গনাথ, ইস্ট ইন্ডিয়া বডি বিল্ডিং ফেডারেশনের সভাপতি শ্যামল চন্দ্র রায়, দেবপ্রিয় বর্ধন, ভবেশ চন্দ্র রায় প্রমুখদের। এই আসরে উপস্থিত থেকে অংশগ্রহণকারী খেলোয়াড়দের উৎসাহিত করার জন্য অনুরোধ জানিয়েছেন আয়োজক কমিটির সচিব মিহির শীল।

Aajker Parigad 27/03/2022 9x8 cm

পূর্বাঞ্চলীয় বডি বিল্ডিং'র প্রস্তুতি চূড়ান্ত



প্রতিবাদী কলম ক্রীড়া প্রতিনিধি, আগরতলা, ২৬ মার্চ : আগামীকাল কামালঘাটের ইকফাই বিশ্ববিদ্যালয়ে ১৭-তম পূর্বাঞ্চলীয় বডি বিল্ডিং প্রতিযোগিতা অনুষ্ঠিত হবে। ৪১ বছর পর রাজ্যে বডি বিল্ডিং'র জাতীয় আসর হচ্ছে। স্বভাবতই সংগঠকদের মধ্যে ব্যাপক ব্যস্ততা। প্রতিযোগিতাকে সফল করে তুলতে

দিন-রাত পরিশ্রম করে চলেছেন তারা। বাংলা, বিহার, ওড়িশা প্রমুখ রাজ্যের বডি বিল্ডাররা তাদের দৈহিক শিল্পকলা প্রদর্শন করবেন। শনিবার এই আসর উপলক্ষে রাজ্য বডি বিল্ডিং অ্যাসোসিয়েশনের তরফে একটি স্মরণিকা প্রকাশ করা হয়। এরপর ৪৬-তম রাজ্যভিত্তিক আসর অনুষ্ঠিত হয়। অনুষ্ঠানে

উপস্থিত ছিলেন বিধায়ক ডাঃ দিলীপ দাস, ইকফাই বিশ্ববিদ্যালয়ের ভাইস চ্যান্সেলর সহ অন্যান্যরা। রাজ্যভিত্তিক আসরে পুরুষ বিভাগে ৯১ জন এবং মহিলা বিভাগে ৭ জন খেলোয়াড় অংশগ্রহণ করে। প্রতিটি বিভাগে প্রথম তিনজন খেলোয়াড় আগামীকাল পূর্বাঞ্চলীয় আসরে অংশগ্রহণ করবে।

স্বাধিকারী, প্রকাশক, মুদ্রক ও সম্পাদক অনল রায় চৌধুরী কর্তৃক চৌধুরী ভবন, হরিগঙ্গা বসাক রোড, মেলারমাঠ, আগরতলা, ত্রি

Pratibadi Kalam 27/03/2022 10x12 cm